

全上古三代秦漢三國六朝文

全宋文卷四十一

烏程嚴可均校輯

趙伯符

伯符字潤遠下邳僮人武穆皇后弟之子永初初爲竟陵太守入爲寧遠將軍文帝時累遷徐兗二州刺史徵爲領軍將軍轉豫州刺史遷護軍將軍丹楊尹呂子倩尙主離婚慚懼發病卒諡曰肅

呂息倩犯罪乞解侍中護軍表

臣識慚羊媼慮闕日碑致咎猖狂初不自悟形影相弔心情喪惡無宜復管司喉膺作統連率藝文類聚五十四

沈劭

劭字道輝吳興武康人輔國將軍林子子襲爵漢壽縣伯歷駙馬都尉奉朝請元嘉初拜疆弩將軍出爲鍾離太守遷衡陽王

義季右軍中兵參軍。又爲始興王濬後軍中兵參軍。入爲通直郎兼侍中。歷彭城王義康大將軍中兵參軍。加監朔將軍。改廬陵王紹南中郎參軍。爲義康安成相。元嘉二十六年卒官。

贈王孚孝廉板敘

前文學主簿王孚。行潔業清。棄華息競。志學脩道。老而彌篤。方授右職。不幸暴亡。可假孝廉檄薦。曰。特牲。緬想。延陵。曰。遂本懷。宋書自序

沈亮

亮字道明。劭弟。嗣伯父田子後。州辟從事。轉西曹主簿。孝武出鎮歷陽。行參征虜軍事。始興王濬臨揚州。曰。爲主簿。秣陵令。入爲尙書都官郎。遷南陽太守。加揚武將軍。又遷南譙王義宣司空。中兵參軍。歷隨王誕後軍中兵。領義成太守。元嘉二十七年卒官。有集七卷。

陳府事啟

伏見西府兵士或年幾八十而猶伏隸或年始七歲而已從役疲
耗之體氣用湏微兒弱之軀肌膚未實而使伏勤昏樵驚苦傾晚
於理既薄爲益實輕書制休老日六十爲限役少日十五爲制若
力不周務故當粗存優減

宋書
自序

陳營創城府功課

經始城宇莫非造創基築既廣夫課又嚴不計其勞苟務其速已
歲月之事求不日之成比見役人未明上作閉鼓乃休呈課既多
理有不逮至於息日拘備關限方涉暑雨多有死病頃日所承亦
頗有逃逸竊惟此既內藩事殊外鎮撫蒞之宜無繫早晚若得少
寬其工課稍均其優劇徒隸既苦易以悅加攷其卒功廢闕無幾
臣聞不居其職不謀其事庖割有主尸不越樽豈臣疏小所當預
議但臣泳恩歲厚服義累世苟是所懷忘其常體

宋書
自序

救荒議

東土災荒民凋穀踊富民蓄米日成其價宜班下所在隱其虛實
令積蓄之家聽畱一年儲餘皆勒使糶貨爲制平價此所謂常道
行於百世權宜用於一時也又緣淮歲豐邑富地穰麥旣已登黍
粟行就可析其估賦仍就交市三吳饑民卽呂貸給使強壯轉運
曰瞻老弱且酒有喉唇之利而非飡餽所資尤宜禁斷曰息游費
宋書自序時三吳水渰穀貴民饑刺史彭城
王義康使立議呂救民急亮議卽並施行
發冢不赴救議

尋發冢之情事止竊盜徒曰侵亡犯死故同之嚴科夫穿掘之侶
必銜枚曰晦其迹強劫之黨必謹呼曰威其事故赴兇赫者易庶
潛密者難通典上有知字且山原爲無人通典作鄉之鄉巨隴非恆途
所踐至於防救不得比之村郭督實效名理與勛異則符伍之坐
居宜降矣又結罰之科雖有同符之限而失遠近之斷夫冢無村
界通典當呂比近坐之若不域之曰界則數步之內與十里之外

便應同懼其責防人之禁不可頓去通典作不止非之憲宜當其

律恩謂相去百步內通典作恩謂赴告不時者一歲刑自此已外

差不及罰宋書自序通典一

脩治石埭籓

施生興業首教農畝立民崇政訓本播穡故能殷邦康俗禮節用
成頃北洛侵蕪南宛彫毀獫狁肆凶犬夷充疆遠鼎烽驛近虞郊
閑遂使沃衍弗井巨防莫脩窘力輟耕闕於分地凶荒無待流冗
及今禮化孚內威禁清外斯實去盜脩畝昭農緒稼之時弘圖廣
務拓土祈年之目殿下降心育物振民復古且方提封榛棘綏入
殊荒竊見郡境有舊石埭區野腴潤實為神皋而蕪浹稍積从廢
其利凡管所見謂宜創立昔文翁守官起沃成產偉連撫民開奧
增業惠昭二邦庸列兩漢雖效政圖功不見所絕聯事惟忝憂同
職同缺宋書自序南陽郡界有古時

石埭蕪浹歲久亮饒世祖脩治之

沈慶之

慶之字弘先，吳興武康人。永初初，竟陵太守趙伯符版爲盩遠中兵參軍，除殿中員外將軍。元嘉中，領淮陵太守，轉正員將軍。遷始興王濬後軍參軍，員外散騎侍郎，進建威將軍，遷廣陵王誕北中郎中兵參軍，領南東平太守。又爲世祖撫軍中兵參軍，復爲廣陵王誕參軍，南濟陰太守。遷太子步兵校尉，元凶弒立，世祖假征虜將軍、武昌內史、領府司馬及踐阼，召爲領軍將軍，加散騎常侍。尋出爲使持節督南兗、豫、徐、兗四州諸軍事，鎮軍將軍，南兗州刺史，鎮盱眙。尋還鎮廣陵。孝建初，進鎮北大將軍，督青、冀、幽三州，封始興郡公。尋召侍中左光祿大夫開府儀同三司，罷就第。大明中，復爲使持節督南兗、徐、兗三州諸軍事，車騎大將軍，南兗州刺史，進司空。固讓前廢帝卽位，召爲侍中、太尉。尋齋藥賜死，年八十。謚曰忠武公。明帝卽位，追贈侍中、司空。

謚曰襄公

棄彭城南歸議

曰車營爲函箱陳精兵爲外翼奉二王及妃嬪直趨歷城分城兵配宋書四十六五十九張暢傳元嘉二十七年北賊竄南侵江夏王義恭欲棄彭城南歸計議矯曰不定安北中兵參軍沈慶之議

鑄四銖錢議

昔秦幣過重高祖是患皆令民鑄改造榆莢而貨輕物重又復乖時太宗放鑄賈誼致譏誠曰采山術存銅多利重耕戰之器鑄時所用四民競造爲害或多而孝文弗納民鑄遂行故能朽貫盈府天下殷富況今耕戰不用采鑄廢久鎔冶所資多因成器功艱利薄絕吳鄧之資農民不習無釋耒之患方今中興闢運聖化維新雖復偃甲銷戈而倉庫未實公私所乏唯錢而已愚謂宜聽民鑄錢郡縣開置錢署樂鑄之家皆居署內平其雜式去其雜僞官斂

輸郭藏之目為永寶去春所禁新品一時施用今鑄悉依此格出稅三千嚴檢盜鑄并禁剪鑿數年之間公私豐贍銅盡事息茲偽自止且禁鑄則銅轉成器開鑄則器化為財剪華利用於事為益

宋書顏竣傳

孝建三年

與南郡王義宣書

僕荷任一方而釁生所統近聊率輕師指往剪撲軍鋒裁交賊爽

授首公情契異常或欲相見及其可識指送相呈宋書南郡王義宣傳世祖使慶

之送魯爽首示義宣并與書案文選陀頭寺碑文注引謝莊為

沈慶之答義宣書云皇綱絕而復紆區宇墜而更維一是答書一

是與書非

即此篇也

沈攸之攸之字仲達慶之從父兄子元嘉末行南中郎府長史兼參軍

進行太尉參軍封平洛縣五等侯隨府轉大司馬參軍孝建中

遷員外散騎侍郎又遷太子旅賁中郎遭母憂起為龍驤將軍

武康令前廢帝卽位除豫章王子尚車騎中兵參軍直問封東興縣侯遷右軍將軍明帝卽位除東海太守未拜呂爲監朔將軍尋陽太守尋假節進輔國將軍遷使持節督雍梁南北秦四州郢州之竟陵諸軍事冠軍將軍領監蠻校尉雍州刺史徙監郢州諸軍事前將軍郢州刺史不拜遷中領軍封貞陽縣公免徵爲吳興太守不拜除左衛將軍領太子中庶子出爲持節監郢州諸軍郢州刺史又監西陽義陽二郡軍事進號鎮軍將軍後廢帝卽位進安西將軍加散騎常侍權行荊州事尋都督荆湘雍益梁益南北秦八州諸軍事鎮西將軍荊州刺史順帝卽位進車騎大將軍開府儀同三司昇明二年入討蕭道成眾潰爲封人所斬

案宋書沈攸之傳攸之表徵文疏皆宗儼之詞也今姑錄爲攸之文

答皇太后令問

荷國重恩名器至此自惟凡陋本無廊廟之姿至如成防一蕃撲

計蠻蜒可彊充斯任。雖自上如此。豈敢厝心去留。歸還之事。伏聽

朝旨。宋書沈攸之傳元徽二年羣公稱皇太后令遣中使問攸之云云攸之答

與武陵王贊牋

江陵一總八州。地居形勝。鎮撫之重。宜已上歸。本欲仰移節蓋。改臨荆部。所已未具。上聞者。欲待至止。而自咨申。不圖重關擊柝。親接莫由。若使匡朝之誠。終蔽於聖察。袞遠之舉。近攤於郢都。則無已謝烈士之心。何用塞義夫之志。便不犯關陵漢。期一接奉。若夫斬蛟陷石之卒。裂帟卷鐵之將。煙騰颶迅。容或驚動左右。苟不獲已。敢不先布下情。同上

下官位重分陝。富兼金穴。子弟勝衣。爵命已及。親黨辨菽。抽序便加。耳倦絃歌。口厭梁肉。布衣若此。復欲何求。豈不知俛眉苟安。保養餘齒。何爲不計百口。甘冒危難。誠感歷朝之遇。欲報之於皇室。爾昧理之徒。謂下官懷無狀之願。既貴誠於白日。不復明心於殿

下若使天必喪道忠節不立政復閭門碎滅百死無恨但高祖王業艱難太祖劬勞日昊卜世不盡七百之期宗社已成他人之有家國之事未審於聖心何如

同上

遺蕭道成書

吾聞魚相忘於江湖人相忘於道術彼我可謂通之矣大明之中謬奉聖主忝同侍衛情存契闊義若斷金乃分帛而衣等糧而食值景和昏暴心爛形焦若斯之苦寧可言盡吾自分碎首於閤下足下亦懼滅族於舍人爾時磐石之心既固義無貳計賊迫時難相引求全天道矜善此理不空結姻之始實關於厚及明帝龍飛諸人皆爲鬼矣吾與足下得蒙大造親過夙眷遇若代臣錄其心迹復忝驅使臨崩之日吾豫在遺託加榮授寵恩深位高雖復情謝古人粗識忠節誓心仰報期之必死此誠志竟未申遂先帝登遐微願永奪自爾已來與足下言面殆絕非唯分張形迹自然至

此脫枉一告、未嘗不對紙流涕、豈願相請於今哉、苟有所懷、不容
不自、初得賢子諱疏云、得家信云、足下有廢立之事、安國、寧民、此
功巍巍、非吾等常人所能信也、俄奉皇太后假令云、足下潛構深
略、獨斷懷抱、一何能壯、但冠雖獎、不可承足、蓋共尊高故耳、足下
交結左右、親行殺逆、召免身患、卿當謂龍逢比干、癡人耳、凡廢立
大事、不可廣謀、但袁褚遺寄劉、又國之近戚、數臣地籍、實爲膏腴、
人位竝居時望、若此、不與議、復誰可得其披心胸者哉、昏明改易、
自古有之、豈獨大宋中屯邪、前代盛典、煥盈篇史、請爲足下言之、
羣公共議、宜啟太后、奉令而行、當召王禮出第、足下乃可不通大
理、要聽君子之言、豈可罔滅天理、一何若茲、孝經云、資於事父、曰
事君、縱爲宗社大計、不爾、寧不識有君親之意邪、乃復慮召家爲
昭、召爵賞、小人無狀、遂行弑害、吾雖寡識、竊從古比、豈有爲臣而
有近日之事邪、使一日荼毒、身首分離、生白可恨、死者何罪、且有

登齋之賞。此科出於何文。凡在臣隸。誰不愧駭。華夷扣心。行路泣血。乃至不殯。使流蟲在戶。自古已來。此例有幾。衛國微小。故有引演。不圖我宋。獨無其人。撫膺惻悵。不能自己。足下與向之殺者何異。人情易反。還成嗟悲。爲子君者。無乃難乎。蹊田之譬。豈復有異。管仲有言。君善未嘗不諫。足下諫諍不聞。甘崔杼之罪。何惡逆之甚。昔太甲還位。伊不自疑。昌邑之過。不可稱數。霍光荷託。尙共議於朝班。然後廢之。猶有湯沐之施。論者不引劫主爲名。桓溫之心。未忘於篡。海西失道。人倫頓盡。廢之曰公。猶禮處之。當溫彊盛。誰能相抗。尙畏懼於形迹。四海不愜。未嘗有樂推之者。伊尹霍光名高於臣節。桓氏亦得免於脅奪。凡是諸事。布於書策。若此易曉。豈待指掌。卿常言比迹夷叔。如何一旦行過桀跖邪。聖明啟運。蒼生重造。晉天率土。誰不歌抃。實是披心罄節。奉公忘私之日。而卿大收宮妓。劫奪天藏。器械金寶。必充私室。移易朝舊。布置私黨。被甲

入殿內外宮閤管籥悉闢家人吾不知子孟孔明遺訓如此王謝
陶庾行此舉止且朱方帝鄉非親不授足下非國戚也一旦專縱
自樹云是兒守臺城父居東府一家兩錄何旨異此知卿防固重
複猜畏萬端言曰禦遠實爲防內若德允物望夷貊猶可推心共
處如其失理乖道金城湯池無所用也文長曰戈戟自衛何解滅
亡吳起有云義禮不脩舟中之人皆讎也足下既無伍員之痛苟
懷貪惓而有賊宋之心吾寧捐巾包之節邪聞求忠臣者必出孝
子之門卿忠孝於斯盡矣今竊天府金帛已行姦惠盜國權爵已
結人情且授非其理合我則賞此事已復不可恆用用之既訖恐
非忠策且受者不感識者不知不能遏姦折謀誠節慨惋隔礙數
千無因自對不能知復何情顏當與足下敘平生舊款吾聞前哲
絕交不出惡言但此自陳名節於胸心因告別於千載放筆增歎
公私泫淚想不深怪往言然天下耳目豈伊可誣抑亦當自知投

杖無端爲必先及

南齊書張敬兒傳

宣令軍中

則州城中大有錢可相與還取已爲資糧

齊書柳世隆傳攸之渡魯山岸猶有數十匹驛

自隨宣令軍中

沈演之

演之字臺真吳興武康人晉冠軍長史勳曾孫襲父叔任爵吉

陽縣侯郡命主簿州辟從事史西曹主簿舉秀才除嘉興令入

爲司徒祭酒南譙王義宣左軍主簿錢塘令復爲司徒主簿丁

母憂起爲武康令除司徒左曹掾州治中從事史遷尙書吏部

郎進右衛將軍遷侍中又遷中領軍領國子祭酒本州大中正

轉吏部尙書領太子右衛卒元嘉二十六年卒贈散騎常侍金

紫光祿大夫諡曰貞侯

巡行上表言劉眞道等政績

南下平字當作辛

宰邑敷政必已簡惠成能莅職闡治務已利民著績故王與見紀
於前升卿流稱於後竊見錢塘令劉真道餘杭令劉道錫皆奉公
卹民恪勤匪懈百姓稱詠訟訴希簡又剪蕩凶非屢能擒獲災水
之初餘杭高堤崩潰洪流迅激勢不可量道錫躬先吏民親執板
築塘既還立縣邑獲全經歷諸縣訪覈名實竝爲二邦之首最治
民之良宰

宋書劉懷肅傳元嘉十三年東土饑上遣揚州治中從事史沈演之巡行在所演之上表上嘉之各賜穀千斛

已一大錢當兩議

龜貝行於上古泉刀興自有周皆所已阜財通利實國富民者也
歷代雖遠資用彌便但採鑄久廢兼喪亂累仍廢散漂滅何可勝
計晉遷江南疆境未廓或土習其風錢不替用其數本少爲患尙
輕今王略開廣聲教遐暨金鎰所布爰逮荒服昔所不及悉已流
行之矣用彌曠而貨愈狹加復競竊剪鑿銷毀滋繁刑禁雖重茲
避方密遂使歲月增貴貧室日劇譬作肆力之氓徒勤不足已瞻

誠由貨賈物賤常調未革弗思釐改爲弊轉深斯實親教之良時
通變之嘉會愚謂若已大錢當兩則國傳難朽之寶家贏一倍之
利不俟加惠巧源自絕施一令而眾美兼無興造之費其盛於茲
矣宋書何尚之傳中
領軍沈嶺之議

嘉禾頌

煥炳禎圖昭晰瑞典運傾方闕時亨始顯綈狀旣章鳥文斯辯於
皇聖辟承物紀遠明兩辰麗昌輝天衍其理妙位崇事神業盛淵
渥德澤虛寂道政協化安心調樂移性玉衡從體瑤光得正巨星
垂采景雲立慶其極仁所被罔幽不懷至和所感靡汎弗彰駕出
丹穴鸚起西湖白鹿踰海素鳥越江結響穹陰儀彤鍾陽其治人
奉天迺勤迺格黛耒似載高廩已積嘉禾重穆甘露流液擢秀辰
畦揚穎角澤離穗合豪榮區陰斥其盈箱徵殷貫桑表周今我大
宋靈貺綢繆帝終撫謙繹思勿休躬薦宗廟溫恭率由降福昌誠

孝享虔羞

其五

頌趾推功登徽淑詔恩覃隱顯賞延荒微河濂海夷

山華岳燿燿琛寶兼澤委效日表地外改服請教

其六

茂對盛時

綏萬屢豐厭厭歸素秩秩大同上藏諸用下知所從仰式王度俯

歌南風鴻名稱首永保無窮

其七

宋書符瑞志下元嘉二十四年七月嘉禾旅生華林園及景陽山

陽縣侯沈演之奏上嘉禾頌

白鳩頌

并上表

臣聞貞裕之美介於盛王休瑞之臻罔違哲后故鳴鳳表垂衣之
化翔鶴徵解網之仁陛下道德嗣基聖明繼世教清鳥紀治昌雲
官禮漸同川澤浹末微天嘉明懿民樂薰風星辰日之炳煥日月
目之光華神圖祇緯盈觀闕序白質黑章充初靈囿應感之符畢
臻而因心之祥未屬白素鳩自遠毳翰歸飛資性閑淑羽貌鮮麗
既聞之先說又親觀嘉祥不勝藻扞上頌一首辭不稽典分乏采
章愧不足式昭皇慶崇讚盛美謹率興誦備之篇末其頌曰

有哲其儀時惟皓鳩性醜五教名編素丘殷厯方昌婉翹來遊漢

錄克韡爰降爰休其一於顯盛宋淑慶遐傳聖皇在上道照鴻軒稱

施既平孝思永言人和於地神豫於天其二禮樂孔秩靈物咸昭白

雀集苞丹鳳棲郊文騶儷迹嘉穎擢苗灼灼綢羽從化馴朝其三豈

伊赴林必周之樹豈伊歸義必商之所惟德是依惟仁是處青景

陽嶽濯姿帝宇其四刑厯頒興理感迭通雄飛越常鷺起西離烝然

戾止實兼斯容壹茲民聽穆是王風其五宋書符瑞志下元嘉

頌軍沈頌之表二十四年九月白鳩又見中

沈勃

勃演之次子爲西陽王文學歷尚書殿中郎泰始中爲太子右

衛率加給事中坐事徙梁州元徽末還爲司徒左長史爲後廢

帝所誅順帝卽位追復本官有集二十卷

秋騶賦

於時朱雲施辰金祇御歲菊圖縛於園沼橘倒飾於池側草改貌
而傾蕢林伐狀而搖蕢潭激氣而威荷露危光而嚴蕢

藝文類聚三

賜進士出身二品銜廣東等處提刑按察使司按察使兼管驛傳事務嵩岡王毓藻校刊

全宋文卷四十一終

全宋文卷四十二

烏程嚴可均校輯

陸徽

徽字休猷吳郡吳人郡辟主簿除衛軍車騎二府參軍揚州主簿王弘衛軍主簿除尚書都官郎補建康令遷司徒左西掾出爲始興太守進使持節交廣二州諸軍事綏遠將軍平越中郎將廣州刺史徽爲南平王鐸冠軍司馬長沙內史行湘州府事母憂去職徽爲持節督益寧二州諸軍事寧朔將軍益州刺史元嘉二十九年卒贈輔國將軍諡曰簡子

薦朱萬嗣表

臣聞陵雪哀穎貞柯必振尊風賞流清原斯挹是呂衣囊揮譽於西京折轅延高於東帝伏見廣州別駕從事史朱萬嗣年五十三字少豫理業冲夷秉操純白行稱私庭能著官政雖氏非世祿宦

無通資而隨牒南服位極僚首九綜州綱三端府職頻掌蕃機屢
績符守年暨知命廉尚愈高冰心與貪流爭激霜情與晚節彌茂
歷幸金山家無寶鏤之飾連組珠海室靡瑄珎之珍矚然守志不
求間達實足曰澄革汙吏洗鏡貪氓臣謬忝司牧任專萬里雖情
祇愼擢才闕豪露敢罄愚陋舉其所知如得提名禮闈抗迹朝省
搏嶺表之清風負冰宇之潔望則恩融一臣而施光萬物敢緣天
澤雲行時德雨施每甄外州榮加遠國是日獻其誓言希垂聽覽
宋書陸
徽傳

薦龔穎表

臣聞運繹明夷則艱貞之節顯時屬棟撓則獨立之操彰昔之元
興皇綱弛紊誰縱乘釁肆虐巴庸害殺前益州刺史毛璩竊據蜀
土涪岷士庶怵迫受職璩故吏龔穎獨秉身貞白抗志不撓殞送
舊君哀敬盡禮全操九載不染僞朝縱雖殘凶猶重義概遂延日

旌命劫日兵威。穎忠誠奮發。辭色方壯。雖桎梏在身。踐危愈信。其節白刃臨頸。見死不更其守。若王蠋之抗辭燕軍。同周苛之肆罵。楚王方之於穎。蔑日加焉。誠當今之忠壯。振古之遺烈。而名未登於王府。爵猶齒於卿曹。斯實遐岷遠土所爲於邑。臣過叨恩私。宣風萬里。志存砥礪。有懷必聞。故率愚慤。舉其所知。追懼紕妄。伏增慙。稟。宋書龔穎傳元嘉二十四年刺史陸徽上表

竺夔

夔字祖季。東莞人。永初中。爲冠軍將軍。青州刺史。鎮東陽。景平初。進號前將軍。封建陵縣男。後爲金紫光祿大夫。

上言移鎮

東陽城被攻。毀壞不可守。移鎮長廣之。不期城。宋書龔穎傳

張約之

約之。堂邑人。初爲吉陽令。免。召疏理廬陵王義真。授梁州府參

軍尋見殺

奏理廬陵王義真

臣聞仁義之在天下若中原之有菽理感之被萬物故不繫於貴賤是曰考叔反悔誓於及泉壺關復冤魂於湖邑當斯之時豈無尊卿賢輔或曰事迫心遠或曰道塞謀屈何嘗不願聞善於與隸藥石阿氏哉臣雖草芥備充黔首少不量力頗高殉義之風謂蹈善於朝聞愈徒生於白首用敢干禁忌戮披敘丹愚伏惟高祖武皇帝誕茲神武撫運龍興仰清天步則齊德有虞俯廓九州則俾功大夏故虔順天人享有萬國雖靈祚脩長聖躬弗永陛下繼明紹統遐邇一心藩王哲茂四維監謚傾耳康哉之詠企踵升平之風竊念廬陵王少蒙先皇優慈之遇長受陛下睦愛之恩故在心必言所懷必亮容犯臣子之道致招驕恣之愆至於天姿夙成實有卓然之美宜在容養錄善掩瑕訓盡義方進退曰漸今猥加削

分幽從遠郡上傷陛下棠棣之篤下令遠近恇然失圖士庶杜口
人爲身計臣伏思大宋之興雖協應符緯而開基造次根條未繁
宜廣樹藩戚敦睦日道使兄弟之美比輝魯衛龜策告同祚均七
百豈不善哉陛下富於春秋慮未重複忽安危之遠算肆不忍於
一朝特願留神九思重加詢采上攷前代興亡之由中存武皇締
構之業下顧蒼生順順之望時開曲宥反王都邑選保傅於舊老
求四友於髦俊引誘情性導達聰明凡人在苦皆能自厲況王質
朗心聰易加訓範且中賢之人未能無過過貴自改罪願自新日
武皇之愛子陛下之懿弟豈可已其一責長致淪棄哉謹昧死詣
闕伏地言聞惟願丹誠一經天聽退就斧鑕無愧地下矣

宋書盧陵王義

顧琛

琛字弘璋吳郡吳人晉司空和之曾孫景平中除大匠丞彭城

王義康右軍驃騎參軍、晉陵令、司徒參軍、尚書庫部郎、本邑中正、元嘉中補司徒錄事參軍、山陰令、遷少府、出爲義興太守、徙東陽太守、忤旨黜免、後假建威將軍、除東海王禕冠軍司馬、行會稽郡事、復爲隨王誕安東司馬、元凶弑立、召爲會稽太守、誕起義、加冠軍將軍、事平、遷吳興太守、孝建初、爲監朔將軍、吳郡太守、封永新縣侯、大明初、免、尋召爲西陽王子尚撫軍司馬、仍爲吳興太守、免、起爲大司農、擢官尚書、新安王子鸞北中郎司馬、東海太守、行南徐州事、隨府轉撫軍司馬、前廢帝卽位、復爲吳郡太守、泰始初、丁母憂、服闋起爲員外常侍、中散大夫、元徽三年卒、年八十六、

納款世祖啟

劉誕猖狂、遂構繫逆、凡在含齒、莫不駭惋、臣等預荷國恩、特百常憤、忽以今日二十四日、中獲賊誕疏、欲見邀誘、臣卽共執錄僞使、

并得誕與撫軍長史沈懷文、揚州別駕孔道存、撫軍中兵參軍孔琬、前司兵參軍孔桓之前司空主簿張晏書具列。本郡太守王曇首、臣卽日便應星馳歸骨筮輅。臣母年老，身在侍養，輒遣息寶素、寶先、東骸詣闕。宋書：顧琛傳：大明三年，竟陵王誕反，世祖召琛，素父子會延稔先至。琛等既執斬之，遣二子送延稔首。啟世祖云：云世祖所遣誅琛，使其目亦送至，催而獲免。顧寶先

寶先琛少子，大明中爲山陰令。

馳書報父琛

南師已近，朝廷孤弱，不時順從，必有覆滅之禍。宋書

顧覲之

覲之字偉仁，吳郡吳人。初爲郡主簿，謝晦爲荊州，已爲南蠻功曹，仍爲晦衛軍參軍。歷王弘揚州主簿、衛軍參軍、鹽官令、衡陽王義季右軍主簿、尚書都官郎、護軍司馬、東遷山陰令、遷揚州

治中從事史、廣陵王誕、廬陵王紹、北中郎左司馬、揚州別駕從事史、尚書吏部郎、孝武卽位、遷御史中丞、出爲義陽王昶東中郎長史、監朔將軍、行會稽郡事、尋徵爲右衛將軍、領本邑中正、出爲湘州刺史、徵守度支尚書、領本州中正、轉吏部尚書、加左軍將軍、出爲吳郡太守、復爲吏部尚書、加給事中、未拜、還爲吳郡太守、前廢帝卽位、進光祿大夫、明帝卽位、復爲左將軍、吳郡太守、加散騎常侍、尋復爲湘州刺史、泰始三年卒、年七十六、贈鎮軍將軍、諡曰簡子。

唐賜妻子事議

法移路尸猶爲不道、況在妻子而忍行、凡人所不行、不宜曲通小情、當以大理爲斷、謂副爲不孝、張同不道、宋書顧覲之傳、南史三十五、通典一百六十七

顧愿

愿字子恭、覲之弟子、大明中、舉秀才、對策稱旨、擢著作佐郎、遷

太子舍人

定命論

仲尼云。道之將行。命也。道之將廢。命也。且明又稱。天之所支。不可
壞。天之所壞。不可支。卜商亦曰。死生有命。富貴在天。孟軻則曰。不
遇魯侯。爲離。斯則運命奇偶。生數離合。有自來矣。馬遷劉向。揚雄
班固之徒。著書立言。咸以爲首。世之論者。多有不同。嘗試申之。曰。
夫生之資氣。清濁異原。命之稟數。盈虛乖致。是曰心貌詭質。性運
舛殊。故有邪正昏明之差。脩夭榮枯之序。皆理定於萬古之前。事
徵於千代之外。沖神寂鑒。一以貫之。至乃卜相末技。巫史賤術。猶
能豫題興亡。逆表成敗。禍福指期。識照不能徒吉。因素著威。衛不
能防。若夏氓宅生於帝宮。豈獨殘傷之祟。漢臣衍貨於天府。寧免
餒斃之魂。且又善惡之理。雖詳。而禍福之驗。常昧。逆順之體。誠分。
而吉凶之效。常隱。智緒天地。猶罹沈痼之災。明照日月。必嬰深匿。

之難增信積德離患於長飢。席義枕仁。微禍於促算。何則。理運苟其必至。聖明其猶病諸。況乃最迹流惑之徒。投心顓蒙之域。而欲役慮。已揣利害。策情。已竿窮通。其爲重傷。豈不惑甚。是已通人君子。開泰其神。冲緩其度。不矯俗。已延聲。不依世。已期榮。審乎無假。自求多福。榮辱脩天。夫何爲哉。問曰。夫書稱惠迪貽吉。易載履信逢祐。前哲餘議。亦已將迎有會。淪塞無兆。宜攝有方。天閼無命。善游銷魂於深梁。工騎燼生於曠野。明珠招駭於闇至。蟠木取悅於先容。是已罕樂。已陽施長世。景惠。已陰德遐紀。彭寶。已繕衛延命。盈忌。已荒涵促齡。陳張稱台鼎之崇。嚴辛衍宰司之盛。若乃遊惡蹈凶。處逆踐禍。宜昭史策。易已研正。至如神仙所序。天竺所書。事雖難徵。理未易詰。雷滯傾光。思聞通裁。對曰。子可謂扶繩而辨。循刻而議。若乃宜攝有方。豈非吉運所屬。將迎有會。實亦凶數自挺。若夫陽施陰德。長世遐年。揆厥所原。孰往非命。研復來指。鱗校往

說起子惟商未識所異資生稟運參差萬殊逆順吉凶理數不一
原夫冷椒非養生之術咀劒豈衛性之經命之所延人肉其骨而
含嚼膏粱時或嬰患深淵乖微寵之津空谷絕探榮之輶運之所
集物穉其枯而俯仰竿牘終然離沮爾乃躊躇橫行曾原窘步湯
周延世詡邑絕緒吉凶微應糾纏若茲畢萬保軀密賤傷領梁野
之言豈不或妄穀南魯北甘此促生彭翁寶叟將已何術晉平趙
敬淫放已該漢主魏相奚獨傷天同異若斯是非孰正至如雷蹕
凝分挫志遠圖棘津陰拱振功高世樊生沖矯鵠旌善之文華子
高抗銘懲非之策皆士衡所云同川而異歸者也殊塗均致實繁
有徵卽理易推在言可略昔兩都全盛六合殷昌霧集貴寵之間
雲動權豪之術鈎貿貽談豈唯陳張而已觀夫二子才未越眾而
此已藉榮揮價彼獨擢景淪聲通否之運斷可知矣嚴辛不安時
任命而委罪亮直亦地脈之徒歟若神仙所序顯明脩習齊疆燕

平厥驗未著。李覃造芥其效安在。喬松之侶。雲飛天居。夷列之徒。風行水息。良由理數懸挺。實乃鍾茲景命。天竺遺文。星華方策。因造前定。果報指期。貧豪莫差。脩天無爽。有允瑣辭。無愆鄙說。統而言之。孰往非命。冥期前定。各從所歸。善惡無所矯其趨。愚智焉能殊其理。若乃得議其工。失出其拙。操之則懷。舍之則悲。斯固染情於近累。豈不貽誚於通識。問曰。清論光心。英辨溢目。求諸鄙懷。良有未盡。若動止皆運。險易白天。理定前期。靡非闇至。玉門犁丘。叡識弗免。豈非聖恩齊致。仁虐同功。昏明之用。將何施而可。對曰。夫聖人懷虛。已涵育。凝明。已洞照。惟虛也。故無往而不通。惟明也。故無來而不燭。溟海流金。弗染溫涼之岨。巖兵猛兇。無累爪刃之災。忘生而生。愈全。遺神而神。彌暢。若玉門犁丘。蓋同迹於人。故同人。有患。然而均心於天。亦均天無害。大賢則體備形器。慮盡藏假。靜默。已居否。深拱。已連璣。皆數在清全。故鍾茲妙識。是已稟仲尼之

道不在奔車之上、資伯夷之運、不處覆舟之下、若乃越難趨險、遠
巡弗護、履危踐機、僣倪從事、愚之所司、聖亦何爲、及中下之流、馳
心妄動、是非舛幹、倚伏移貿、故北宮意逆而功順、東門心晦而迹
明、宣應遺筮而逢吉、張松協數而避禍、且智防有紀、患累無方、爾
乃獬狗逐而華子奔、腐鼠遺而虞氏滅、匣猿逸而林木殘、犢珠亡
而池水竭、凡厥條流、曲難詳備、搖形役思、其效安徵、豈若澡雪靈
府、洗練神宅、據道爲心、依德爲慮、使迹窮則義斯暢、身泰則理兼
通、豈不美哉、何必遺此而取彼、問曰、夫建極開化、樹聲貽則、典防
之興、由來尙矣、必乃幽府懸兆、冥數指期、善惡前徵、是非數定、名
教之道、不亦幾乎息哉、對曰、天生蒸民、樹之物則教義所稟、豈非
冥數、何則、形氣之具、必有待而存、顓蒙之倫、豈無因而立、必假纖
紈、曰安生、藉梁豢、曰延祀、資信禮、曰繕性、秉廉義、曰劾情、聖人聰
明深懿、履道測化、通體天地、同情日月、仰觀俯察、撫運裁風、於是

乎昭日星之紀、正霜雨之度、張雲霞之明、衍風露之渥、浮舟翼滯、騰駕振幽、又乃甄理三才、辨綜五德、宏鋪七體之瑞、宣昭八經之緒、是日時雍在運、羣方自通、抱德煬和、全真保性、故信食相資、代爲脣齒、富教相似、遞成輔車、今弛棄纖執、損絕梁秦、必云微生委命、豈不已曉其迷、至乎湮斥廉義、屏黜信禮、責日所存、推數遂乃未辨其惑、連類若斯、乖妄滋甚、然則教義之道、生運所資、寵辱榮枯、常由此作、斯固命中之一物、非所曰爲難也、問曰、循復前旨、既曰理命縣兆、生數冥期、研覆後文、又云依杖名教、帥循訓範、若藉數任天、則放情蕩思、拘訓馴範、則防慮檢喪、函矢殊用、矛戈異適、雙美之談、豈能兩遂、對曰、夫性運乖舛、心貌詭殊、請布末懷、略言其要、若乃吉命所鍾、縱情蹈道、訓性而順、因心則靈、凶數所挺、率由踐逆、聞言不信、長惡無悛、此愚智不移、聲訓所遺者也、其有見善如不反、從諫如順流、是則命待教全、運須化立、譬曰良醫之室、

病者所存。至如澄神清魂。平心實氣。無妄之病。勿藥有喜。所謂縱情蹈道。無假隱括。若膏肓之疾。長桑不治。體府之病。陽慶弗理。此則率由踐逆。自絕調御。至乃趙儲之命。宜永須扁鵲。而後全。齊后之數。必延待文摯。而後濟。亦猶運鍾循獎。彝範所興。善惡無主。唯運所集。而異膏粱方丈。沈疾弗顧。瑤碧盈尺。陷危弗存。夫靜躁之容。造次必於是。曲直之性。顛沛不可移。是曰夷惠均聖。而異方導竦。齊通而殊事。雖復鉗桎羣異。思復巢許之情。捶勒曾史。言膺躋跼之慮。不然之事。斷可知也。必幽符鑽仰。冥數脩習。雖存陵情。其可得乎。故運屬波流。勢無防慮。命微山立。理無放情。用殊函矢。雙美奚躋。談異矛戈。兩濟何傷。問曰。夫君臣恩深。師資義固。所曰霜榮塗施。提飾荷聲。故刳心流腸。捐生已抗節。火妻灰子。雖名已償。義若幽期。天兆則明。馭可遺。冥數自賓。則感效宜絕。豈其然乎。對曰。論之所明。原本已爲理難之所疑。卽末已爲用。蓋陰閉之巧不

傳萌漸之調長絕故知妄言賞理古人所難吾所謂命固已繇絡古今彌貫終始爰及君臣父子師友夫妻皆天數冥合神運玄至逮乎睽愛離會既命之所甄昏爽順戾亦運之所漸爾乃松柳異質薺荼殊性故疾風知勁草嚴霜識貞木何異忠孝之質資行風昭至於刻志酬生題誠復施殉節投命馴義忘己亦由石雖可毀堅不可銷丹雖可磨赤不可滅因斯而言君臣師資既幽期自審心力感效亦冥數天兆夫獨何怪哉

宋書顧凱之傳凱之常謂秉命有定分非智力所移唯應恭已守道信天任運而闇者不達妄求僥倖徒虧雅道無關得喪乃引其意命弟子愿著定命論其辭曰云云

琇

琇失其姓景平末爲侍中

奉迎文帝登極表

侍中臣琇散騎常侍臣疑之中書監尚書令護軍將軍建城縣公臣亮左衛將軍臣景仁給事中游擊將軍龍鄉縣侯臣隆越騎校

尉都亭侯臣綱給事黃門侍郎臣孔璠之散騎侍郎臣劉思孝員
外散騎侍郎臣潘盛中書侍郎臣何尙之羽林監封陽縣開國侯
臣蕭思話長兼尙書左丞德陽縣侯臣孫康吏部郎中騎都尉臣
張茂度儀曹郎中臣徐長琳倉部郎中臣庾俊之都官郎中臣袁
洵等上表曰臣聞否泰相革數窮則變天道所召不誼上世所召
靈長乃者運距陵夷王室艱晦九服之命靡所適歸高祖之業將
墜於地賴基厚德深人神同獎社稷已寧有生獲又伏惟陛下君
德自然聖明在御孝悌著於家邦風猷宣於蕃牧是召徵祥雜沓
符瑞燿輝宗廟神靈乃瞻西顧萬邦黎獻望景託生臣等忝荷朝
列豫充將命復集休明之運再觀太平之業行臺至止瞻望城闕
不勝喜悅鳧藻之情謹詣門拜表言聞

宋書文
帝紀

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷四十三

烏程嚴可均校輯

賀道期

道期會稽山陰人晉司空循孫元嘉初太學博士

太廟送神議

樂目迎來哀呂送往祭統迎牲而不迎尸詩云鐘鼓送尸鄭云尸

神像也與今儀注不迎而後送若合符契

宋書禮志四元嘉六年博士賀道期議

賀道養

道養道期弟爲太學博士有賀子述言十卷集十卷

渾天記

昔記天體者有三渾儀莫知其始書呂齊七政蓋渾體也二曰宣夜夏殷法也三曰周髀當周髀之所造非周家之術也近世復有四術一曰方天興於王充二曰軒天起於姚信三曰穹天由於虞

喜皆曰臆斷浮說不足觀也。惟渾天之事徵驗不疑。御覽

蕭摩之

摩之字仲緒南蘭陵人元嘉初爲益州刺史領南蠻校尉遷湘州刺史後爲丹陽尹

奏鑄象造寺宜加裁檢

佛化被於中國已歷四代形象塔寺所在千數進可曰繫心退足曰招勸而自頃以來情敬浮末不曰精誠爲至更曰奢競爲重舊宇積弛曾莫之修而各務造新已相誇尚甲第顯宅於茲殆盡材竹銅綵糜損無極無關神祇有累人事違中越制宜加裁檢不爲之防流通未息廣弘明集作未已請自今已後有欲鑄銅像者悉詣臺自

聞興造塔寺精舍皆先詣在所二千石通辭郡依事列言本州須

許報然後就功其有輒造寺舍者皆依不承用詔書律銅宅林苑

悉沒入官

宋書天竺迦毗黎國傳元嘉十二年丹陽尹蕭摩之奏詔可又見廣弘明集六

孔默之

默之魯國魯人元嘉初為尚書右丞兼散騎常侍轉左丞尋出

為廣州刺史已賊免有春秋穀梁傳注案隋志有孔君楷謂穀

卷末知即此否

上言李元德等政績

宣威將軍陳南頓二郡太守李元德清勤均平姦盜止息彭城內

史魏恭子廉恪修慎在公忘私安約守儉久而彌固前宋縣令成

浦治政寬濟遺詠在民前鮦陽令李熙國在事有方民思其政故

山桑令何道自少清廉白首彌厲應加褒賚目勸於後宋書江乘

初遣大使巡行四方兼散騎常侍孔默之王歆之等上言又見南

史七十阮長之傳不云孔默之但作王歆之等歆之字叔道河東

孫氏人晉南蠻校尉愆期曾

孫官至左戶尚書光祿大夫
刑法議
君子小人既雜為符伍不得不目相檢為義士庶雖殊而理有間

察讐百司居上所以以下不必躬親而後同坐是故犯違之日理自
關今罪其養子典計者蓋義存戮僕如此則無奴之室豈得晏安
但既云復土宜令輸贖常盜四十四匹主守五匹降死補兵雖大存
寬惠以紓民命然官及二千石及失節士大夫時有犯者罪乃可
戮恐不可以補兵也謂此制可施小人士人自還用舊律

宋書王弘傳

孔照先

熙先默之子元嘉中爲員外散騎侍郎行左衛將軍與彭城王
義康謀爲亂伏誅

獄中上書

囚小人猖狂識無遠概徒徇意氣之小感不料逆順之大方與第
二弟休先首爲奸謀干犯國憲顰膾脯臨無補尤戾陛下大明含
弘量苞天海錄其一介之節猥垂優逮之詔恩非望始沒有遺榮
終古呂來未有斯比夫盜馬絕纓之臣懷璧投書之士其行至賤

其過至微由識不世之恩以盡軀命之報卒能立功齊魏致勳秦楚囚雖身陷禍逆名節俱喪然少也慷慨竊慕烈士之遺風但墜崖之木事絕升躋覆盤之水理乖收汲方當身營鐵鉞詒誠方來若使魂而有靈結草無遠然區區丹抱不負夙心貪及視息少得申暢自惟性愛羣書心解數術智之所周力之所至莫不窮覽究其幽微攷論既往誠多密驗謹略陳所知條牒如故別狀願且勿遺棄存之中書若囚死之後或可追存庶九泉之下少塞蠲責

范蔚宗傳

孔休先

休先熙先弟

論眾檄

夫休否相乘道無恆泰狂狡肆逆明哲是殛故小白有一匡之勳重耳有翼戴之德自景平肇始皇室多故大行皇帝天誕英姿聰

明叡哲、拔自藩國、嗣位統天、憂勞萬幾、垂心庶務、是以邦內安逸、四海同風、而比年、自來、奸豎亂政、刑罰乖淫、陰陽違舛、致使疊起、蕭牆、危禍萃集、賊臣趙伯符、積怨含毒、遂縱奸凶、肆兵犯蹕、禍流儲宰、崇樹非類、傾墜皇基、罪百淫、過十玄、恭、開闢、自來、未聞斯比、率土、叨心、華夷泣血、咸懷亡身之誠、同思廢軀之報、湛之、臨與、行中、領軍、蕭思話、行護軍、將軍、臧質、行左衛將軍、孔熙先、建威將軍、孔休先、忠貫白日、誠著幽顯、義痛其心、事傷其目、投命奮戈、萬殞莫顧、卽日、斬伯符首、及其黨與、雖豺狼、卽戮、王道維新、而普天無主、羣萌莫繼、彭城王、體自高祖、聖明在躬、德格天地、勳溢區宇、世路威夷、勿用南服、龍潛鳳棲、於茲六稔、蒼生饑德、億兆渴化、豈唯東征有鳴鵠之歌、陝西有勿剪之思哉、靈祇告徵、祥之應、讖記表帝者之符、上答天心、下愜民望、正位宸極、非王而誰、今遣行護軍、將軍、臧質等、齎皇帝璽綬、星馳奉迎、百官備禮、駱驛繼進、竝命

羣帥鎮戍有常若干撓義徒有犯無貸昔年使反湛之本賜手收
逆誠禍亂預覩斯萌令宣示朝賢共拯危瀕無斷謀事失於後機
遂使聖躬濫醢大變奄集哀恨崩裂撫心摧哽不知何地可已厝
身輒督腐脂頓死而後已

宋書范蔚宗傳孔熙先謀反使弟休先為檄文

江與

奧元嘉初尚書左丞

刑法議

士人犯盜賊不及棄市者刑竟自在賊汗淫盜之目清議終身經
赦不原當之者足已塞愆聞之者足已鑒誠若復雷同羣小謫目
兵役愚謂爲苦符伍雖比屋鄰居至於士庶之際實自天隔舍藏
之罪無已相關奴客與符伍交接有所藏蔽可已得知是已罪及
奴客自是客身犯愆非代郎主受罪也如其無奴則不應坐

宋書王弘傳

江遼

遼字玄遠，濟陽考城人。元嘉初，太學博士，累遷祠部郎，兼散騎常侍、司徒記室參軍，有文釋若干卷，祿詩九十七卷。

太廟送神議

在始不迎，明在廟也。卒事而送，節孝思也。若不送而辭，是舍親也。辭而後送，是遣神也。故孝不忍違其親，又不忍遣神，是曰祝史送神，曰成烝嘗之義。宋書禮志：元嘉六年，博士江遼議。

徐道娛

道娛，元嘉初，爲駙馬都尉，奉朝請，領太學博士。

上表請議讀秋令服色

謹案晉博士曹弘之議立秋御讀，令上應著細幘，遂改用素，相承至今。臣淺學，管見竊有惟疑。伏尋禮記月令王者四時之服，止見駕蒼龍，載赤旒，衣白衣，服黑玉。季夏則黃文，極於此，無白冠，則某

履某舄也。且幘又非古服。出自後代。上附於冠。下不屬衣。冠固不革。而幘豈容異色。愚謂應恆與冠同色。不宜隨節變綵。土合在近。謹已上聞。如或可採。乞付外詳議。宋書禮志二元嘉六年六月。馬都尉奉朝請徐道娛上表。

殷祠烝祀議

祠部下十月三日殷祠。十二日烝祀。謹案禘祫之禮。三年一。五年再。公羊所謂五年再殷祭也。在四時之間。周禮所謂凡四時之間祀也。蓋歷歲節月無定。天子諸侯先後弗同。禮稱天子祫嘗。諸侯烝祫。有田則祭。無田則薦。鄭注天子先祫。然後時祭。諸侯先時祭。然後祫。有田者既祭。又薦新。祭曰首時。薦曰仲月。然則大祭四祀。其月各異。天子曰孟月。殷仲月。烝諸侯。孟月嘗。仲月祫也。春秋僖公八年。秋七月禘。文公二年八月。大事於太廟。穀梁傳曰。著祫嘗也。昭公十五年二月。有事於武宮。左傳曰。禮也。又周禮仲冬享烝。月令季秋嘗稻。晉春烝曲沃。齊十月嘗太公。此並孟仲區別不共。

之明文矣。凡祭必先卜。日用丁巳。如不從進卜。遠日卜未吉。豈容
二事推期而往。理尤可知。尋殷烝祀重。祭薦禮輕。尚異月重。寧
反同。且祭不欲數。數則瀆。今隔旬頻享。恐於禮爲煩。自經緯墳誥
都無一月兩獻。先儒舊說。皆云殊朔。晉代相承。未審其原。國事之
重。莫大乎祀。愚管庸淺。竊以惟疑。請詳告下議。宋書禮志四元嘉
六年九月太學博士徐道娛上議寢不報又見通典五十

太廟送神議

伏見太廟烝嘗儀注。皇帝行事畢。出使坐。三公已上獻。太祝送神
於門。然後至尊拜。百官贊拜。乃退。謹尋清廟之道。所已肅安神也。
禮曰。廟者貌也。神靈所憑依也。事亡如存。若常在也。既不應有送
神之文。自陳豆薦俎。車駕至止。竝弗奉迎。夫不迎而送。送而後辭。
闇短之情。實用未達。案時人私祠。誠皆迎送。由於無廟。庶感降來
格。因心立意。非王者之禮也。儀禮雖太祝迎尸於門。此乃延尸之

儀豈是敬神之典恐於禮有疑謹已議上宋書禮志閏元嘉六年太學博士徐道賢上議

春祠不用雌雞議

案禮孟春之月是月也犧牲無用牝如此是春月不用雌爾秋冬

無禁雄雞斷尾自可是春月宋書禮志閏元嘉十年十一月太祝

道媛等議

又議

凡宗祀牲牝不一前惟月令不用牝者蓋明在春必雄秋冬可雌非呂山林同宗廟也四牲不改在雞偏異相承來久義或有由誠非末學所能詳究求詳議告報如所稱令上同

徐閏

閏元嘉中爲太祝令

刺署典送雌雞

宗廟社稷祠祀薦五牲牛羊豕雞竝用雄其一種市買由來送雌

竊惟周景王時賓起見雄雞自斷其尾曰雞憚犧不祥今何日用
雌求下禮官詳正勒太學依禮詳據宋書禮志四元嘉十年十二月

陸子真

子真元嘉初爲大使巡行天下孝武卽位復爲大使

薦關康之

康之業履恆貞操勛清固行信闇黨譽延邦邑棲志希古操不可

渝宜加徵聘呂潔風軌

宋書關康之傳世祖卽位遣大使陸子真巡行天下使反薦康之不見省

柳元景

元景字孝仁河東解人元嘉初江夏王義恭召補撫軍參軍遷

殿中將軍復爲義恭司空參軍隨府轉司徒太尉城局參軍歷

孝武安北中兵參軍隨王誕後軍中兵參軍加建威將軍弘農

太守除監朔將軍京兆廣平二郡太守又除冠軍司馬襄陽太

守孝武舉義呂爲諮議參軍領中兵加冠軍將軍及卽位呂爲

侍中領左衛將軍、轉前將軍、監蠻校尉、雍州刺史、未行、徙領軍將軍、加散騎常侍、封曲江縣公、孝建初、加撫軍、假節、復領監蠻校尉、雍州刺史、呂叔藏質功、封晉安郡公、復爲領軍、太子詹事、加侍中、尋轉驃騎將軍、本州大中正、大明中、遷尚書令、改封巴東郡公、加左光祿大夫、尋授侍中、驃騎將軍、南充州刺史、前廢帝卽位、遷尚書令、領丹陽尹、呂謀廢立遇害、明帝卽位、贈太尉、諡曰忠烈公。

奏劾蔡興宗

臣義恭表詔書如右、攝曹辦覈尚書袁愍孫牒、此月十七日、請僕射顏師伯語次、因及尚書蔡興宗有書固辭、今授仍出疏、見公乃者數紙、不意悉何所道、緣此因及朝士、當今聖世、不可使人言爲少、今牒數之朝廷、處之實得所、臣等亦自謂得分、常多在門、袁愍孫無或措多、而愚意欲啟、更量出內之宜、芻蕘管見、願在聞徹、選

令史宣傳密事故因附上聞亦外人言此今薛慶先列今月十八日往尚書袁愍孫論選事愍孫云昨請顏僕射出蔡尚書疏見示言辭甚苦又云所得亦少主上踐祚始爾朝士有此人不多物議謂應美用乃更恨少使咨事便啟錄公又謝莊闕時未老其疾已轉差今居此任復爲非宜謂宜中書令才望爲允又孔覲南士之美所歷已多近頻授卽復回改於理爲屈門下無人此是名選又張永人地可論其去歲愆戾非爲深罪依其望復門下一人張淹替忝南下預因休戚雖屢經愆黜事亦已久謂應祕書監帶授興宗手迹數紙文翰炳然事證明白不假覈辨愍孫任居官人職掌銓裁若有未久則宜顯言而私加許與自相選署託云物論終成虛詭隱末出端還爲矛盾臣聞九官成讓虞風垂則誅主怨時漢罪夙斷況義爲身發言謫朝序亂辟害政混穢大猷紛紜彰謬上延詔旨不有霜準軌憲斯淪請解興宗新附官須事御收付廷尉

法獄治罪免愍孫所居官

宋書蔡興宗傳義恭上表劾興宗因使

孫呂子

領職

聖起湖田議

富戶溫房無假遷業窮身寒室必應徙居葺宇疏舉產粒無待資

公則公未易充課私則私卒難具生計既完奮功自息宜募亡叛

通卹及與樂田者其往經創須粗修立然後徙居

宋書孔靖傳大

元景右僕射劉秀之尚書王瞻

之顧覲之顧師伯嗣湘東王議

與朝士書

國禍冤深凶人肆逆民神崩憤若無天地南中郎親率義師剪計

元惡司徒賊冠軍竝同大舉舳艫千里購賞之利備之元景不武

忝在行間總勒精勇先鋒道路勢乘上流眾兼百倍諸賢奕世忠

義身為國良皆受遇先朝荷榮日久而拘逼寇廷莫由申効想聞

今問悲慶兼常大行屈道廓清惟始企遲面對展雪哀情

宋書柳元景傳

世祖入討元凶
元景與朝士書

令軍中

鼓繁氣易衰，叫數力易竭。但各銜枚疾戰，一聽吾營鼓音。宋書柳元景傳

討臧質等檄

夫革道應運，基命之洪符。嗣業興邦，紹祿之明算。自非瑞積神衷，德充民極，孰能升臨寶位，景屬天居。大宋啟期，理高中世。皇根帝業，永流無疆。夷陂遞來，邁茲凶難。國禍寃深，人綱鬱滅。主上聖略，聰武孝感，通神義變。草木哀動，精緯躬幸。南郢親掃，大逆道援。橫流德模，靈造三光。重照七廟，載興臧質。少負疵釁，衣冠不齒。昧利誣天，著於觸事。受任述職，不曰宣効。爲心專方，莅民惟已。侵剝爲務，官自賄至。族已貨傾，是已康周。施覆命，居宗寃達。蒼昊郭伯西門，遣出自阜。隸龍越州朝，往莅東守。鸞衛三千，率卒西討。竊俘取黜，荷恩彭泗。貪虐已逞，坑戮邊氓。忽若草芥，傾竭倉庾。割沒軍糧。

作牧漢南、公盜府蓄矯易文簿、專行欺妄、及受命北伐、憚役緩期、師出有辰、顧懷私愛、匹馬棄眾、宵行獨返、遂復攜嬪擁姬、淫宴軍幕、孔范之變、顯於逆辭、凡此諸釁、皆彰著於憲簡、振曝於觀聽、去歲義舉、雖豫誠款、而淹留西楚、私相崇戴、奉書致命、形於心迹、新亭之捷、大難已夷、凶命假存、懸在晷刻、廣莫之軍、曾無遺矢、重關自開、偽眾已潰、賢猶復盤桓衢巷、後騎陳師、勢不足甄定於朝議、而虛張功伐、扇動怨辭、自謂斯舉、勳莫已若、初踐殿守、忘犬馬之情、奔趣帑藏、頓傾天府、山海弘量、苞荒藏疾、錄其一介之心、掩其不逞之釁、遂爵首元等、職班盛級、優榮溢寵、莫與爲疇、自恣醜薄、罔知涯涘、干謁陳聞、曾無紀極、請樂窮太子之英、求器盡官府之選、徐司空匪躬王室、遭罹凶禍、質與之少長、親交兼常、曾無撫孤之仁、惟聞陵侮之酷、尺田寸寶、靡有孑遺、及受命南徂、臨路滋甚、逼奪妻嬪、略市金帛、怨動京邑、醜聞都鄙、棄逐舊故、委蔑忠勤、魯

尙期尹周之徒心腹所倚泣訴於御筵袁同連子敬之疇爪牙所
杖一逝而不反雖上旨頻煩屢求勞牒質但稱伐在己不逮僚隸
託咎朝廷歸罪有司國士解心有識莫附何文敬趨走廝養天性
愚狡質迷其姦諂實懷委杖遂外擅威刑內遊房室質生與覺俱
不可詳究擢髮數罪曾何足言丞相威重位尊任居分陝宗國倚
賴實兼恆情而不及謙沖之塗弗見逆順之訓蔽同卻至理乖范
變遂乃遠忽世祀近受欺構杖納姦疏還謀社稷日者宴安上流
坐觀成敗示遣疲卒罷裁三千戎馬不供軍糧靡獻皇朝直曰親
秩之重酬寵兼極近漸別子禮越常均苟識無所守功弗由己必
爲義不全終於敗德今茲放命恨心於本推諸昔歲述是誠非矣
且家國夷險情事異常豫是臣子孰不是赴而玩寇忘哀曾無奔
拽而蕃十稔惠政殘聞重賊深掠縱慾已甚姬妾百房尼僧千計
敗道傷俗悖亂人神民怨盈塗國謫彌歲又賊勦未禽凶威猶彊

將毀其私墳、戮其諸子、圖成駭機、垂賴義舉、捷期云速、不日告平、
釋怨毒之心、解倒懸之急、論恩敘德、造育爲重、援人自助、棄人忤、
說怙亂、疑功、未問其比、僕曰不肖、過蒙榮私、荷佩升越、光絕倫伍、
家本北邊、志存慷慨、常甘投生、已徇艱棘、惟恩思難、激氣衝襟、故、
已眺三湘而永慨、望九江而遐憤、若使身死國康、誓在殞命、況仰、
稟聖略、俯陶義徒、萬全之形、思夫所照、夫薛竟陵、控率突騎、陸道、
步馳、檀右衛、申右率、垣游擊、整勒銳師、飛輪構路、王豫州、方舟繕、
甲、久已前驅、僕訓卒利兵、淩波電進、沈鎮軍、蕭安南、接觸連旌、首、
尾風合、驃騎竟陵王、懿親令譽、問望攸歸、大司馬江夏王、道略明、
遠、徽猷茂世、竝旌餞臨塗、雲驅齊引、羣兵競邁、祕駕徐啟、八鑾搖、
響、五牛舒旆、千乘雷動、萬軸雲回、騰威發號、星流漢轉、已上臨下、
易於轉員、加已三謀協從、七緯告慶、幽顯同心、昭然易覩、諸君或、
世荷恩幸、或身聞教義、當知君臣大節、誓不可犯、冠履至諫、難用、

倒設履安奉順聲泰事全孰與附逆居危身害名醜慈親垂白受戮弱子嬰孩就誅所已有詔遲回未震雷霆者正爲諸君身拘箠手或懷乃心吉凶由人無謂爲遠今而不變後悔何及授檄之日心馳賊庭

宋書臧質傳

成粲

粲河南人元嘉中爲平陸令

與王弘書

僕聞軌物設教必隨時制宜世代盈虛亦與之消息夫勢之所處非親不居是曰周之宗盟異姓爲後權軸之要任歸二南斯前代之明謬當今之顯轍明公位極台鼎四海具瞻劬勞夙夜義同吐握而總錄百揆兼牧畿甸功實盛大莫之與儔天道福謙宜存挹損驍騎彭城王道德昭備上之懿弟宗本歸源所應推先宜出據列蕃齊光魯衛助公高枕論道變理陰陽則天下和平災害不作

福慶與大宋升降享年與松喬齊久名垂萬代豈不美歟宋書王

司馬操

操元嘉中爲太常丞

春祠不用雌雞議

尋月令孟春命祀山林川澤犧牲無用牝若如太學議春祠三牲
已下便應一時俱改已從月令何已偏在一雞重更勒太學議答
宋書禮志四元嘉十年十二月太祝令徐閔刺署典雞何已用
雌博士徐道娛等議春月不用雌秋冬無禁太常丞司馬操議
答何承天書論次孫宜持重

有孫見存而己疏親爲後則不通既不得立疏豈可遂無持重者
此孫豈不得服三年邪嫡不傳重傳重非嫡自施於親服卑無關
孫爲祖也通典八十八何承天答江氏問次孫宜持重與裴松之
書裴答書言不宜持重又與司馬操書言其事操云

難荀伯子爲人後爲所後父服論
爲人後者盡禮於彼而致降於此所已全受重之道成若子之義

案通典
降作除

豈曰真假殊其事早晚異其制哉豈不曰父子之名定於受命之辰加崇之恩起於辭親之日大義昭然無厭奪之變而使情節伸而有餘歲月屈於不足未知輕重將欲何附論云甲死甲兒持服已練甲兒死甲弟乙方曰其子景後之景無緣爲伯持周服畢復更制二十五月服難曰景曰甲練後方來後甲彼喪雖殺我重自始更制遠月於義何傷且昔曰笏尊服不踰齊今爲其子禮窮於制事乖義異深淺殊絕豈宜相蒙共爲三年若是大功小功之親本服已訖乃爲之後亦可計本服之月曰充再周之限若無服之親今爲甲嗣其義云何論云甲婦女無緣持三周服又不合先景降服難曰甲婦女二周終訖何事三周吉凶有期何必顧景亦猶自遠之兄始及袒免其居室之弟久已笙歌豈得同一論云或疑甲服垂除景出後景應服斬旬日而除意謂延待服除而出後耳難曰景曰禮而行不及甲始喪蓋由事趣且夫堂階絕構喪位無

士行路悽愴、骨肉悼心、旣爲置後、宜及三年之內、情事有寄、豈得持疑、曰俟吉、視再周之徒過哉、論曰、甲死、婦女持服再周、弟乙、二子遠還、曰、長子景後甲、景弟丁爲伯父追稅服周、而景日後出之、故更居緦、緦旬日而除、外錯淺深、不復是過、難曰、乙之子景今來後甲、旣不可與弟丁同稅周服、又不可慙居緦、緦旬日而除、則景於甲之喪終闕徵服、親爲甲子而反、不如丁有周月之制、處之於三年之地、而絕之於一日之哀、待吉之義、於此爲躋、論曰、甲婦女無緣避此凶居、別居吉宅、又不可、婦女歌於內、繼子哭於外、難曰、甲婦雖復衰麻去身、號咷輟響、然素服縗居、與代長戚、夫何圖於吉宅、何務於謳歌、通典九十七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷四十三終

全宋文卷四十四

烏程嚴可均校輯

袁淑

淑字陽源、陳郡陽夏人、晉丹陽尹豹少子、爲彭城王義康軍司祭酒、免、補衡陽王義季右軍主簿、臨川王義慶衛軍諮議參軍、遷司徒左西屬、出爲宣城太守、入補中書侍郎、太子中庶子、遷尚書吏部郎、出爲始興王濬征北長史、南東海太守、還爲御史中丞、遷太子左衛率、元凶入弑、并見殺、贈太常、孝武卽位、贈侍中、太尉、諡曰忠憲公、有集十一卷、

秋晴賦

是月也、聲暑合、朝夜分、暉收耀、虹散文、炎都塞埃、曼寓滌氛、曳悲泉之凝霧、轉絕垠之嚴雲、藝文類聚三又初學記三引兩條

正情賦

解蘊麝之芳衾陳玉柱之鳴箏

文選江淹別賦注又江淹望荆山詩注

桐賦

越眾木之薰狗勝雜樹之藻緡信爽幹曰弱枝實裹素而表綠若乃根莢條茂迹曠心沖貞觀於曾山之陽抽景於少澤之東被籍兮煙霞懷珮兮星虹儀丹丘之瑞羽棲清都之仙宮

蘇文類聚八十八

謝中丞章

竊惟此職昭贊實預損益必須兼口威正刺骨窮文使權家勳族不敢藉強而侮物國門右姓不得稱雄已掩眾昔傳咸治職臣僚戢懼孫寶移疾卿尹皆忘

御覽二百二十六

懸法象魏先政向衛

文選陸倕石闕銘注

防禦索虜議

臣聞函車之獸離山必斃絕波之鱗宕流則枯竭寇遺醜趨致畿甸蟻萃螽集聞已崩殪天險巖曠地限深遐故全魏戢其圖盛晉

繫宋書
咏作咏

輟其議情屈力殫氣挫勇竭諒不虞於來臨本無怵於能濟矣乃
者變定攜遠阻違授律由將有施拙故士少鬪志圍潰之眾匪寇
傾淪攻制之師空自班散濟西勁騎急戰蹙旅淮上訓卒簡備靡
旗是由綴整寡衷戎昭多咏遂使栲潞入患泉伊來擾紛殄姬風
泯毒禹績騰書有渭陰之迫懸烽均咸陽之警然而切揣虛實伏
匿先彰校索技能譎詭既顯繇地千里彌行阻深表裏躓礙後先
介逼捨陵衍之習競湍沙之利今虹見萍生土膏泉動津陸陷溢
沾禍洊興芻藁已單米粟莫係水寓衿帶進必傾費河溢扁固退
亦墮滅所謂棲鳥於烈火之上養魚於叢棘之中或謂損緩江右
寬繕淮內竊謂拯扼閩城舊史爲允棄遠涼土前言稱非限此要
荒猶弗委割況聯被京國咫尺神甸數州摧掃列邑殲滅山淵反
覆草木塗地今丘賦千乘井竿萬集肩摩倍於長安締袂百於臨
淄什一而籍實懽氓願履畝曰稅既協農和戶競戰心人含銳志

推當推

皆欲羸糧請奮釋綈乘城謂宜懸金鑄印要果壯之士重幣甘辭
招推決之將舉薦板築之下抽登臺阜之間賞之曰焚書報之曰
相爵俄而昭才賀闕異能間至戎貪而無謀肆而不整迷乎向背
之次謬於合散之宜犯軍志之極害觸兵家之甚諱咸蓄憤矣僉
策戰矣稱願影從謠言縉命宜選敢悍數千驚行潛掩偃旗裹甲
鉗馬銜枚槍稽而起晨壓未陣旌譟亂舉火鼓四臨使景不暇移
塵不及起無不禽鐵獸驚冰解霧散掃洗哨類漂鹵浮山如有沙
學漏網遠窠逗穴命淮汝戈船遏其還逕究部勁卒梗其歸塗必
翦元凶懸首麾下乃將隻輪不反戰構無旋矣於是信臣騰威武
士繕力緹組接陰鞞析聯響若其僞遁羸張出沒無際楚言漢旆
顯默如神固已日月蔽虧川谷蕩質負塞殘孽阻山燼蕪收險竊
命憑城借土則當因威席卷乘機芟勦汴泗秀土星流電燭徐阜
嚴兵雨濛雲集歷亂桑溪之北搖潰瀚海自南絕其心根勿使能

植銜索之枯幾何不蠶是由湖澤而漁焚林而狩若浚風之舞輕
籜杲日之拂浮霜旣而尉洽荷掠之餘望弔網悲之鬼然後天行
樞運焱舉烟升青蓋西巡翠華東幸經啟州野滌一軫策傳高關
再勒燕然復銘方乃奠山沈河創禮輯策闡耀炎昊之遺則貫帙
商夏之舊文今眾賈拳勇而將術疏怯意者稔泰自積承平歲久
邑無驚赴之急家緩餽戰之勤闕閱訓之禮簡參屬之飾且亦薦
採之法庸未饒歟若乃邦造里選推論深切躬擐黼幽斬帶尋遠
設有沈明能照俊偉自宣誠感泉雨流通金石氣懾飛賁知窮其
起審邪正順逆之數達昏明益損之宜能啖合民心愚牧物性登
丹墀而敷策躡青蒲而揚謀上說宸鑒下弭素言足召安民紓國
救災恤患則宜拔過寵貴之上褒升威舊之右別其旂章榮其班
祿出得專譽使不稟命降席折節同廣武之請設壇致禮均淮陰
之授必有要盟之功竊符之捷夷裔暴狠內外侮棄始附之眾分

茂無序。盡已威利。勢必攜離。首順之徒。靡然自及。今涖繹故典。渙
土纓綬。翦焉幽播。折首凶狡。是猶眇者。願明痿之思步。動商鑑會。
功終易感。劫晉在於善覘。全鄭實寄良謀。多縱反開。汨惑心耳。發
險易之前。抵興喪之術。衝其猜伏。拂其嫌嗜。汨已連率之貴。何已
析壤之資。罄筆端之用。展辭鋒之銳。振辯則堅圍易解。馳羽而嚴
邑易傾。必府鬲土崩。枝幹瓦裂。故燕樂相悔。項范交疑矣。或乃言
約功深。事迴應廣。齊園反駕。趙養還君。盡興誦之道。畢能事之效。
臣幸得出內厠禁。游心明代。澤與身泰。恩隨年行。無已逢迎昌運。
潤飾鴻法。今塗有遺蹤。燕未息蜂。敢思涼識。少酬閔施。但坐幕旣
之昭文。免胄不能致果。竊觀都議之邊論。屬國之兵謀。終量之抗
辭。杜耿之言事。咸云及經之棘。猶闔上策。燭邪之敬。裁收下策。自
恥懦木。智不綜微。敢露昧見。無會昭採。宋書

與始興王禧書

袁司直之視節，敢寓書於上國之官尹。日者猥枉泉賦，降委弊邑。弊邑故事是遵，無或違貳。懼非郊贈之禮，覲饗之資，不虞君王惠之於是也。是有惜焉。弗圖旦夕發咫尺之記籍，左右而請，曰爲胥授失旨。爰速先幣，曾是附庸。臣委末學，孤聞者如之何。勿疑。且亦聞之前志曰：七年之中，一與一奪。義士猶或非之。況密邇旬次，何其哀益之亟也。藉恐二三諸侯，有目觀大國之政，是用敢布腹心。弊室弱生，砥節清廉，好是潔直。臣不邪之故而貧，聞天下寧有昧夫嗟金者哉。不腆供賦，束馬先璧。臣侯命唯執事所目。圖之。宋書袁淑

傳始與王潛嘗送錢三萬餉淑一宿復遣追取謂使人謬誤欲召淑淑淑與潛書

與何尚之書

昨遣脩問承大人已晦。志山田雖曰年禮宜遵，亦事難斯貴。俾疏班邴魏，通美於前策。冀貢山衛，淪慙乎曩篇。規迨休告，雪滌素懷。冀尋幽之歡畢，立之適。但淑逸操偏迴，野性夢滯，果茲沖寂，必

沈樂忘歸然而已議塗間者謂丈人微明未耗譽業方籍儻能屈
事康道降節殉務舍南瀕之操淑此行求決矣望眷有積約日無
誤宋書何尚之傳元嘉二十九年致仕於方山著退居賦曰明所
守而議者咸謂尚之不能固志太子左衛率袁淑與尚之書
游新亭曲水詩序

離榭修幕陵埏坡阜鑪容旃紙裏野麗雲

御覽三百五十八

真隱傳

鬼谷先生不知何許人也隱居鰲智居鬼谷山因已爲稱蘇秦張
儀師之遂立功名先生遺書責之曰若二君豈不見河邊之樹乎
僕御折其枝波浪盪其根上無徑尺之陰身被數尺之痕此木豈
與天地有仇怨所居然也子不見嵩岱之松柏華霍之檀桐乎上
枝干於青雲下根通於三泉千秋萬歲不受斧斤之患此木豈與
天地有骨肉哉蓋所居然也

藝文類聚三十六御覽
五百一十並引真隱傳

弔古文

賈誼發憤於湘江、長卿愁悉於園邑、彥真因文自悲出、伯喈銜史而求人、文舉疏誕自殃速、德祖精密而禍及、夫然不思思之貧、無苦識之淺、士已伐能見斥、女已驕色貽遺、已往古爲鏡鑑、已未來爲鍼艾、書余言於子紳、亦何勞乎著蔡、疏文類聚四十

雞九錫文

維神雀元年歲在辛酉八月己酉朔十三日丁酉帝顓頊遣征西大將軍下雉公王鳳西中郎將白門侯扁鵲咨爾浚雞山子維君天姿英茂乘機晨鳴雖風雨之如晦抗不已之奇聲今已君爲使持節金西蠻校尉西河太守已揚州之會稽封君爲會稽公已前浚雞山爲湯沐邑君其祇承予命使西海之水如帶浚雞之山如礪國已永存爰及苗裔藝文類聚九十一引袁淑誄諸記

勸進牋

浚山侍郎丁鴻舍人鳧亭男梁鴻郎中蘇鵠死罪伏惟君德著朝

野勦加鵠鷺故天王鳳皇特錫位封令鳳鵠等在柏外願時拜受
不勝欣豫之情謹詣樓下已聞同上

驢山公九錫文

若乃三軍陸邁糧運艱難謀臣停算武夫吟歎爾乃長鳴上黨慷慨應刊崎嶇千里荷囊致餐用捷大勦歷世不刊斯實爾之功也
音隨時興晨夜不默仰契玄象俯協漏刻應更長鳴豪分不忒雖
挈壺著稱未足比德斯復爾之智也若乃六合昏晦三辰幽冥猶
憶天時用不廢聲斯又爾之明也青脊隆身長頰廣額脩尾後垂
巨耳雙磔斯又爾之形也嘉麥既熟實須精麴負磨迴衡迅若轉
電惠我眾庶神祇獲薦斯又爾之能也爾有濟師旅之勦而加之
已眾能是用遣中大夫閭丘騾加爾使銜勒大鴻臚班固大將軍
宮亭侯呂揚州之廬江江州之廬陵吳國之桐廬合浦之珠廬封
爾爲中廬公

藝文類聚九十四初學記二十
九御覽九百一引袁淑誄諸集

大蘭王九錫文

大亥十年九月乙亥朔十三日丁亥北燕伯使使者豪稀冊命大
蘭王曰咨惟君稟太陰之沈精標羣形於元質體肥腩而洪茂長
無心弓遊逸資養於人主雖無爵而有秩此君之純也君昔封
國殷商號曰豕氏葉隆當時名垂於世此君之美也白躋彰於周
詩涉波應乎隆象歌詠垂於人口經千載而流響此君之德也君
相與野遊唯君爲雄顧羣數百自西徂東俯飲沫則成霧仰奮鬣
則生風猛毒必噬有敵必攻長驅直突陣無全鋒此君之勇也

初學記二十九御覽九百三

常山王九命文

及至圖身失所羈勒人間馴纓服制惟意所牽登塹而邀均梁而
眠拾撫遺餘恣口所便

初學記二十九御覽九百十

袁覲

觀淑兄子爲武陵太守

臨終與兄顗書

史公才識可嘉足懋先基矣

南齊書袁粲傳
粲小字史公

袁粲

粲字景倩淑兄子本名愍孫慕容奉倩之爲人改名粲元嘉中爲揚州從事歷孝武安北鎮軍北中郎參軍南中郎主簿孝武舉義轉記室參軍及卽位除尙書吏部郎太子右衛率侍中免起爲廷尉太子中庶子領右軍將軍出爲輔國將軍西陽王子尚北中郎長史廣陵太守行兗州事仍爲永嘉王子仁冠軍長史大明初復爲侍中領射聲校尉封興平縣子免尋爲西陽王子尚撫軍長史又爲中庶子領左軍將軍出補豫章太守復還爲侍中領長水校尉遷左衛將軍加給事中轉吏部尙書出爲海陵太守前廢帝卽位復爲吏部尙書徙右衛將軍復爲侍中

領驍騎將軍明帝卽位轉司徒左長史冠軍將軍南東海太守
遷領軍將軍徙中書令轉尚書僕射領吏部加中書令又領丹
陽尹徙右僕射遷尚書令後廢帝卽位加衛將軍授中書監開
府儀同三司領司徒順帝卽位出鎮石頭謀攻蕭道成事洩被
斬有集十一卷

臨終啟

臣義奉大宋策名兩畢今便歸魂墳壠永就山丘

南史袁粲傳

與釋道明書稱釋寶亮

頃見亮公非常人也比日間所未聞不覺歲之將暮珠生合浦魏
人取日照車璧在邯鄲秦王請召華國天下之寶當與天下共之
非復上人貴州所宜專也

高僧傳八

妙德先生傳

有妙德先生陳國人也氣志淵虛姿神清映性孝履順棲沖業簡

有舜之遺風先生幼夙多疾性疏曠無所營尚然九流百氏之言
雕龍談天之藝皆泛識其大歸而不已成名家貧嘗仕非其好也
混其聲迹晦其心用故深交或逢俗察罔識所處席門常掩三徑
裁通雖揚子寂寞嚴叟沈冥不是過也修道遂志終無得而稱焉
又嘗謂周旋人曰昔有一國國中一水號曰狂泉國人飲此水無
不狂唯國君穿井而汲獨得無恙國人既並狂反謂國主之不狂
爲狂於是聚謀共執國主療其狂疾火艾針藥莫不必具國主不
任其苦於是到泉所酌水飲之飲畢便狂君臣大小其狂若一眾
乃歎然我既不狂難自獨立比亦欲試飲此水

宋書袁粲傳
南史二十六

託爲道人通公駁顧歡夷夏論

南史
作昭灼

白日停光恆星隱照譴降之應事在老先似非人關方炳斯瑞又
老莊周孔有可存者依日末光馮釋遺法盜牛竊燕反已成蟲檢
究源流終異吾黨之爲道耳西域之記佛經之說俗目滕行爲禮

齊南齊
書異字
衍

不慕蹲坐爲恭、道且三統爲虔、不尚踞傲爲肅、豈專戎士、爰亦茲
方、襄童謁帝、膝行而進、趙王見周、三環而止、今佛法在華、乘者常
安、或善行交、跣者恆通、文王造周、太伯創吳、革化戎夷、不因舊俗、
豈若舟車、理無代用、佛法垂化、或因或革、清信之士、容衣不改、息
心之人、服貌必變、變本從道、不遵彼俗、敘風自殊、無患其亂、孔老
釋迦、其人或同、觀方設教、其道必異、孔老治世爲本、釋氏出世爲
宗、發軔既殊、其歸亦異、符合之唱、自由異臆、說又仙化、曰變形爲
上、泥洹曰陶神爲先、變形者白首還緇、而未能無死、陶神者使塵
惑日損、湛然常存、泥洹之道、無死之地、乖詭若此、何謂其同、
齊書
顧歡傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷四十四終